



Republika e Kosovës  
Republika Kosova-Republic of Kosovo  
Komuna e Prishtinës  
Pristina Obstina-Municipality of Pristina



**SEKTORI I PROKURIMIT - KABINETI I KRYETARIT**

Bazuar në nenin 108/A paragrafi 10 nënparagrafi 10.2 të Ligjit nr. 04/L-042 për Prokurimin Publik lidhur me nenin 60 të Ligjit nr. 05/L-068 për ndryshimin dhe plotësimin e Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin nr. 04/L-237 dhe me ligjin nr. 05/L-092, si dhe duke u bazuar në nenin 61.3. lidhur me nenin 62 paragrafi 62.1 nënparagrafi d) si dhe nenin 63 paragrafi 63.1 nënparagrafi 63.1.1 të Rregullores (A01) nr. 001/2022 për Prokurimin Publik, duke vendosur sipas kërkesës për rishqyrtim të operatorit ekonomik “Dizinfekta NRG” Sh.P.K. të datës 09.04.2024 si dhe kërkesës për rishqyrtim të operatorit ekonomik “KFP DDD” të datës 08.04.2024, kundër njoftimit për kontratë dhe dosjes së tenderit lidhur me aktivitetin e prokurimit me titull “34 Dezinsektimi hapësinor në Komunën e Prishtinës” me nr. të prokurimit 616-24-2103-2-1-1, Komuna e Prishtinës (Autoriteti Kontraktues) përmes zyrtarit përgjegjës të prokurimit nxjerr këtë:

**V E N D I M**

- I. REFUZOHET si e pabazuar** kërkesa për rishqyrtim e operatorit ekonomik “KFP DDD” e datës 08.04.2024 kundër njoftimit për kontratë dhe dosjes së tenderit lidhur me aktivitetin e prokurimit me titull “34 Dezinsektimi hapësinor në Komunën e Prishtinës” me nr. të prokurimit 616-24-2103-2-1-1.
- II. REFUZOHET si e pabazuar** kërkesa për rishqyrtim e operatorit ekonomik “Dizinfekta NRG” Sh.P.K. e datës 09.04.2024 kundër njoftimit për kontratë dhe dosjes së tenderit lidhur me aktivitetin e prokurimit me titull “34 Dezinsektimi hapësinor në Komunën e Prishtinës” me nr. të prokurimit 616-24-2103-2-1-1.
- III. LEJOHET** autoriteti kontraktues që të vazhdoj me aktivitetin e prokurimit me të dhënat si në pikën I të këtij vendimi.
- IV. NJOFTOHEN** të gjitha palët e interesuara lidhur me këtë vendim përmes publikimit në platformën E-Prokurimi në adresën <https://e-prokurimi.rks-gov.net>.
- V. Vendimi hyn** në fuqi në ditën e nënshkrimit.

**Arsyetim**

Operatori ekonomik “KFP DDD” me datë 08.04.2024 ka paraqitur kërkesë për rishqyrtim kundër njoftimit për kontratë dhe dosjes së tenderit lidhur me aktivitetin e prokurimit me titull “34 Dezinsektimi hapësinor në Komunën e Prishtinës” me nr. të prokurimit 616-24-2103-2-1-1.

Operatori ekonomik "Dizinfekta NRG" me datë 09.04.2024 ka paraqitur kërkesë për rishqyrtim kundër njoftimit për kontratë dhe dosjes së tenderit lidhur me aktivitetin e prokurimit me titull "34 Dezinsektimi hapësinor në Komunën e Prishtinës" me nr. të prokurimit 616-24-2103-2-1-1.

Gjatë shqyrtimit paraprak të kërkesave për rishqyrtim të parashtruesve është gjetur se kërkesat janë të lejuara dhe janë parashtruar brenda afatit nga personat e autorizuar si dhe nuk ekzistojnë pengesa tjera për të shqyrtuar kërkesat. Në këtë mënyrë janë plotësuar kushtet për të vazhduar me shqyrtimin meritor (*in meritum*) të kërkesave.

**Pretendimet e operatorit ekonomik "KFP DDD" Sh.P.K.** janë formuluar si në vijim: *"Kerkesa e dyte qe e favorizon operator te cekur eshte Automjete për bartjen e punëtorëve dhe pajisjeve tjera përcjellëse. Automjetet duhet te jene te paisura me GPS monitorues. 3 cope. Sqarojm se 3 ULV nuk jan ne nevojshme dhe ky kriter me keto specifika na pamundeson pjesmarrjen,. Prandaj ky kriter fiks e minimizon konkurrencen dhe favorizon operator te deshiruar nga autoriteti kontraktues. Kerkojm qe GPS MONITURUESE te hiqet nga kerkesa".*

**Lidhur me pretendimet ankimore të "KFP DDD" Sh.P.K.** duhet sqaruar se përmes nenit 10 paragrafit 10.3 të RRPP është përcaktuar se njësia kërkuese ndër të tjera ka përgjegjësinë për të përgatitur detyrën projektuese, projektin, specifikimet teknike, termat e referencës, paramasën dhe parallogarinë. Në këtë kontekst sektori i prokurimit ka kërkuar nga njësia kërkuese që të bëjë vlerësimin fillestar të pretendimeve ankimore. Në përputhje me sqarimet e ofruara nga njësia kërkuese është gjetur se të gjitha kërkesat e përcaktuara sipas aneksit 7 të dosjes së tenderit – pajisjet dhe mekanizmi i obligueshëm si dhe në aneksin 1 specifikimet teknike të detyrueshme janë në përputhje të plotë fillimisht me nevojat e njësisë kërkuese pastaj me qëllimin e aktivitetit të prokurimit dhe mbi të gjitha me parimet themelore të prokurimit publik duke përfshirë por pa u kufizuar në parimin për mosdiskriminin/ mosfavorizim sipas nenit 7 të LPP si dhe nenit 28 të LPP. Të gjitha pasijet/ mekanizmat e kërkuara përmes dosjes së tenderit dhe kërkesat tjera janë absolutisht të domosdoshme për të realizuar me sukses, me efikasitet si dhe me efektivitet kontratën që synohet të lidhet përmes këtij aktiviteti të prokurimit. Ngjashëm vlen edhe sa i përket kërkesës për pompa UVL dhe për GPS. Të gjitha këto kërkesa janë të domosdoshme dhe minimale për të siguruar cilësinë e nevojshme të shërbimeve që kërkohen përmes këtij aktiviteti të prokurimit. Në asnjë pjesë të kërkesës për rishqyrtim, parashtruesi nuk ka prezantuar ndonjë fakt apo argument për të dëshmuar të kundërtën. Përndryshe pompat UVL dhe pajisjet GPS janë produkte që mund të gjenden lehtësisht në tregun e Kosovës dhe çdo tenderues serioz mund të ketë në posedim këto pajisje shumë lehtë. Prandaj pretendimet ankimore të janë të pabazuara në tërësi. Përmes nenit 11 paragrafit 11.3 të RRPP përcaktohet se zyrtari i prokurimit ndër të tjera në bashkëpunim me njësinë kërkuese i koordinon dokumentet, projektet, specifikimet, termat e referencës, paramasat, parallogaritë dhe vizatimet. Në këtë rast zyrtari përgjegjës i prokurimit i ka falur besimin e plotë sqarimeve të ofruara nga njësia kërkuese. Për këto arsye është refuzuar si e pabazuar kërkesa për rishqyrtim e parashtruesit.

**Pretendimet e operatorit ekonomik "Dizinfekta NRG" Sh.P.K.** janë si në vijim: *"Pompë motorike – gjenerator UVL (vëllim Ultra i Ulët/Ultra Low Volume) për dezinfektimin hapësinor të jashtëm, sasia 4 cope, Automjete pune për vendosjen e pompave gjeneratorëve ULV dhe pompave motorike për kryerje të shërbimit të dezinfektimit hapësinor të jashtëm. Automjetet duhet të jene paisura me GPS monitorues. (pick up ose kamionetë) sasia 6 copë Kjo kërkesë nga ana e Autoriteti Kontraktues sa i përket kontrollit të mushkonjave të rritura/adulte për komunën e Prishtinës në mendojmë që është e gabuar".*

**Lidhur me pretendimet ankimore** të "Dizinfekta NRG" Sh.P.K. duhet sqaruar se përmes nenit 10 paragrafit 10.3 të RRPP është përcaktuar se njësia kërkuese ndër të tjera ka përgjegjësinë për të përgatitur detyrën projektuese, projektin, specifikimet teknike, termat e referencës, paramasën dhe parallogarinë. Në këtë kontekst sektori i prokurimit ka kërkuar nga njësia kërkuese që të bëjë vlerësimin fillestar të pretendimeve ankimore. Në përputhje me sqarimet e ofruara nga njësia kërkuese është gjetur se të gjitha kërkesat e përcaktuara sipas aneksit 7 të dosjes së tenderit – pajisjet dhe mekanizmi i obligueshëm si dhe në aneksin 1 specifikimet teknike të detyrueshme janë në përputhje të plotë fillimisht me nevojat e njësisë kërkuese pastaj me qëllimin e aktivitetit të prokurimit dhe mbi të gjitha me parimet themelore të prokurimit publik duke përfshirë por pa u kufizuar në parimin për mosdiskriminin/mosfavorizim sipas nenit 7 të LPP si dhe nenit 28 të LPP. Të gjitha pasijet/mekanizmat e kërkuara përmes dosjes së tenderit dhe kërkesat tjera janë absolutisht të domosdoshme për të realizuar me sukses, me efikasitet si dhe me efektivitet kontratën që synohet të lidhet përmes këtij aktiviteti të prokurimit. Ngjashëm vlen edhe sa i përket kërkesës për pompa UVL dhe për GPS. Të gjitha këto kërkesa janë të domosdoshme dhe minimale për të siguruar cilësinë e nevojshme të shërbimeve që kërkohen përmes këtij aktiviteti të prokurimit. Në asnjë pjesë të kërkesës për rishqyrtim, parashtruesi nuk ka prezantuar ndonjë fakt apo argument për të dëshmuar të kundërtën. Përndryshe pompat UVL dhe pajisjet GPS janë produkte që mund të gjenden lehtësisht në tregun e Kosovës dhe çdo tenderues serioz mund të ketë në posedim këto pajisje shumë lehtë. Prandaj pretendimet ankimore të janë të pabazuara në tërësi. Përmes nenit 11 paragrafit 11.3 të RRPP përcaktohet se zyrtari i prokurimit ndër të tjera në bashkëpunim me njësinë kërkuese i koordinon dokumentet, projektet, specifikimet, termat e referencës, paramasat, parallogaritë dhe vizatimet. Në këtë rast zyrtari përgjegjës i prokurimit i ka falur besimin e plotë sqarimeve të ofruara nga njësia kërkuese. Për këto arsye është refuzuar si e pabazuar kërkesa për rishqyrtim e parashtruesit.

Nga sa u tha më sipër është gjetur se parashtruesit nuk kanë paraqitur argumente të qëndrueshme për të mbështetur pretendimet e tyre. Prandaj kërkesat për rishqyrtim të parashtruesve janë refuzuar si të pabazuara në tërësi.

Për pikën I, II dhe III të këtij vendimi është vendosur duke u bazuar në nenin 63 par. 63.1.1. lidhur me nenin 62 par. 62.1. të RRPP.

Për pikën IV dhe V të këtij vendimi është vendosur duke u bazuar në nenin 63 par. 63.2. të RRPP.

Bazuar në të thënat më sipër është vendosur si në dispozitiv të këtij aktvendimi.

Prishtinë, 15.04.2024

Visar SHEHU  
Udhëheqës i Sektorit të Prokurimit  
Komuna e Prishtinës



**Këshillë juridike:**

Pala e pakënaqur me këtë vendim mund të paraqes ankesë pranë Organit Shqyrtues të Prokurimit brenda afatit prej dhjetë (10) ditëve pas pranimit të këtij vendimi.